

永樂大典

卷九百十一

永樂大典卷之九百十一

二支

尸

洞玄靈寶滅度五鍊生尸經

曰鍊度五仙安靈鎮神法天

尊時於長樂會香林園中教化七十二百四十童子法事粗悉上智童子等前進作禮上白天尊今日侍生權樂難勝諸天開有一切光明幽牢地獄積夜寒鄉三塗五苦鐵鬼死鬼並得開度運在福中三官息對生死並推而幽鬼始開未入轉輪尸神奔落商骸無津沉淪九土縱橫地官飛輿傍徨不能侍運土府促會形尸無寧更受愁迫仰訴諸天今既開有一切普新皇道既暢澤被十方伏聞天尊既垂大慈願普皇恩賜應度者度應生者生應轉者轉應運者運如宿緣未絕不得運者形尸故宅幽在九泉為來靈所迫不相容受飛鬼無泊運連于孫大化既興宜使普躡不審法中復有何安可得申宣下告地官安鎮撫恤咸使侍安九著右別營衛其身如蒙哀憐則普天惟泰生死無怨福流億劫世世無窮於是天尊普命

永樂大典卷九百十一

一

諸天上帝無極太上大道君十方大聖眾至真諸君夫人飛天神王五老帝君尚上好生度世司馬司錄司命長生上聖玄和王女諸真人無鞅數衆一時復生今當更為上智童子開諸法門申明龍漢玄都舊典九幽玉清女青文拔度幽牢地獄積夜寒鄉三塗五苦鐵鬼死鬼令悉見光明宣告諸天各明玉字自然玄文普下諸天諸地水府日月星宿璇璣玉衡三界五帝五嶽靈山九土靈官洞元洞淵洞空洞靈洞無無極無窮無尚無下無形無色無音無響無大無小一切神靈明各任別今所統領宿請罪竟善惡功過年歲日月事事列言分別故宅形骸所在隨其部界志為安恤地祇衛護經營供給無令挫動隨功成就使應運者運應度者度應轉者轉應運者運應生者生落地簡對紀水盟言除天文星一切見明以今為新於是四眾上智童子權善作禮同時舉手讚歎稱善是時三十二天帝君即出各命飛天神人披紫陽玉臺開明真玉厓出天中靈音自然玉書無量洞章以屬地官度一切人安尸鎮靈保鬼錄神其太黃皇曾天太明玉完天清明何童天玄胎平育天光明文舉天七曜摩夷天虛無越倚天太極濛翳天合八天天有八字合六十四字分屬東方九炁天君以青帝太玄女青符命告下東方土府九署靈官開度東方一切死鬼安鎮尸

形營衛撫軒無令地官祛迫搖動一如女青文金龍驛行其赤明和陽天  
玄明恭華天耀明宗飄天竺落皇茹天虛明堂耀天觀明端靜天玄明恭  
慶天太煥極搖天合八天天有八字合六十四字分屬南方三炁天君以  
赤帝太玄女青符命告下南方土府九署靈官開度南方一切死鬼安鎮  
尸形營衛撫軒無令地官祛迫搖動一如女青文金龍驛行其元載孔昇  
天太安皇虛天顯定極風天始黃孝苦天太黃翁重天無思江由天上探  
阮樂天無極靈誓天合八天天有八字合六十四字分屬西方七炁天君  
以白帝太玄女青符命告下西方土府九署靈官開度西方一切死鬼安  
鎮尸形營衛撫軒無令地官驅迫搖動一如女青文金龍驛行其皓庭宵  
度天淵通无洞天輪寵妙成天秀樂禁上天無上常融天至隆騰騰天龍  
變覽度天平育實奕天合八天天有八字合六十四字分屬北方五炁天  
君以黑帝太玄女青符命告下北方土府九署靈官開度北方一切死鬼  
安鎮尸形營衛撫軒無令地官驅迫搖動一如女青文金龍驛行其上上  
上一炁一炁上上上無極無頂無色大羅之天自然玉文總統中央黃元  
天君以黃帝太玄女青符命告下中央土府九署靈官開度中央一切死  
鬼安鎮尸形營衛撫軒無令地官驅迫搖動一如女青文金龍驛行諸天

永樂大典卷九百十一

二

各命飛天神人以天中靈音自然玉書女青符命普告五方五帝五嶽土  
府靈官即各依承符命尊奉大法皇道既明是時天胡炁澄三景停輪生  
宿洞雅瓊璣不行河海靜默山嶽吞煙時和炁清金風拂塵天無淨翳日  
月灌津五苦解脫長夜開冤枯樹生華死骸還人麟舞鳳翔飛鳴欣欣請  
天踴躍鼓花稱善天尊欣暢而作頌曰赤明迴化混爾而分陰陽練煉其  
道自然玄圖七轉至九仍還无命靈章無量洞篇無常之品炁絳九辰陽  
光潛啓明景乘煙三四五練和以七洋隨色蔚耀各皈本神大法簡度朽  
骸還人寶我妙道位登高真回元五練至道上靈照耀日月洞照九明請  
天開宥幽夜玄清朽骸起步練化自主嚔吸靈和貫幽入冥神奇萬變飛  
鬼反形乘煙駕空上造皇庭玉書告命土府太平一切安度普入光明有  
寶我文世世化生輕泄漏慢風刀相刑玉章靈文生朱光五靈結精煥十  
方四八分位合五行列宿日月陰陽通值立天真保上皇開化法門一切  
同彌羅大千道興隆今坐惟樂難為常諸天踴躍奏靈章開我妙道悟少  
童舍爾億劫生無窮九轉成真位仙王秘之中襟慎勿揚天尊頌畢請天  
上帝無極太上大道君十方無極至真大聖來飛天神王五老帝君南上  
好生度世司馬司錄司命長生上靈玄和土女諸元君靈妃諸真人無鞅

永樂大典

卷九二

數東七十二百四十童子一時俱起捻香散花左回旋行三匝還北向作  
 禮畢手彈指三十二天日月星宿一時俱明地下九幽無極洞淵光景玄  
 微無復闇明幽隱普見地獄發泄金玉露形山川溪澗一等細平白骨受  
 炁朽尸運鬼九土清泰地官安寧衆生普度一切無偏大法流化皇道開  
 張普告諸天日月星宿破瑛玉衡南斗北斗司命司錄轉君主錄南昌上  
 官諸地諸水五嶽靈山三官九署十二河源長夜之府九幽之中四司五  
 帝一切神明各尊承大法普同一慶以今為新無上無下無極無窮無深  
 無遠無幽無隱無遠無際無大無小無數無終一切神靈彈指告命休承  
 敬從靈寶青帝練度五仙安靈鎮神炁炁天文東方炁炁青炁炁始符  
 命告下東方無極世界土府神鄉諸靈官今有太上清信弟子某甲減度  
 五仙託尸太陰今於某界安宮立室庇形后土明承正法安慰撫卹青靈  
 嘯始炁炁朝華精光充溢練錫形骸骨芳肉香億劫不灰東嶽太上明闕  
 長夜九幽之府出某甲靈神沐浴冠帶遶上南宮供給水食長在光明魔  
 無干犯一切神靈侍衛安鎮悉如元始明真舊典女青文黑書此文於青  
 石上拜黃縉章平埋文於亡者尸形所住東鄉極墓界臨埋時師雲行  
 禹步九步至所在東向讀大字及文畢叩齒二十四通炁炁九通呪曰元

始符命普告東方無極世界土府神鄉洞空洞無洞玄洞元九炁總司三  
 界神官一切冥靈無極神王今日大慶青天始陽高駕臨正萬道開通甲  
 乙受度託尸玄房太上清信鬼應上昇五仙沐浴拂錫水棠形庇靈嶽地  
 為開張請以玉文安鎮神官一切侍衛供給自然須臾反尸上帝奉迎一  
 如明真舊典施行畢便埋文土中也靈寶赤帝練度五仙安靈鎮神三炁  
 天文南方三炁丹天承元始符命告下南方無極世界土府神鄉諸靈官  
 今有太上清信弟子某甲減度五仙託尸太陰今於某界安宮立室庇形  
 后土明承正法安慰撫卹亦靈嘯始三炁并池精光充溢練錫形骸骨芳  
 肉香億劫不灰南嶽衡山明闕長夜九幽之府出某甲靈神沐浴冠帶遶  
 上南宮供給水食長在光明魔無干犯一切神靈侍衛安鎮如元始明真  
 舊典女青文黑書此文於赤石上拜黃縉章平埋文於亡人尸形所住  
 南鄉極墓界臨埋時師雲行禹步三步至所在南向讀大字及文畢叩齒  
 二十四通炁炁三通呪曰元始符命普告南丹無極世界土府神官洞空  
 洞無洞玄自然三炁總司一切冥靈三界神王普監盟言今日上告大丹  
 甲乙飯玄託尸九玄位齊飛天空受轉輪魂昇朱陵練度五仙功未洞真  
 庇形土官開張四界安鎮靈官在所營衛供給送迎無令搖動干犯神鄉

明其所告一切成聞畢便埋文土中靈寶黃帝鍊度五仙安靈鎮神中元  
 天文中央黃天承元始符命告下中央九壘土府洞極神鄉四統諸靈官  
 今有太上清信弟子某甲減度五仙託尸玄陰今於某界安宮立室庇形后  
 土明承正法安慰撫卹黃元哺餉流注豐潤鍊飾形骸骨芳炁香與神同  
 元德劫長存中嶽嵩高明開長夜九幽之府出甲乙鬼神沐浴冠帶連上  
 南宮供給衣食長存光明魔無干犯一切神靈侍衛安鎮如元始明真舊  
 典青文朱書此於黃石上拜拜黃繪章畢埋文於亡人尸形所住中央臨  
 埋時師雲行禹步十二步至所在向戊己讀大字及文畢叩齒二十四通  
 炁炁十二通呪曰元始符命普告中元九壘土府洞極神鄉四維總靈十  
 二神官黃元靈紐高極神鄉四維土皇今日大慶萬神臨軒甲乙受度託  
 尸九玄鬼升靈宇庇形土官四極告命明朗開張安慰撫卹供給送迎無令  
 搖動干犯神鄉明如太真一切成聞畢便埋文土中靈寶白帝鍊度五仙  
 安靈鎮神七炁天文西方七炁素天承元始符命告下西方無極世界土  
 府神鄉諸靈官今有太上清信弟子某甲減度五仙託尸太陰今於某界  
 安宮立室庇形后土明承正法安慰撫卹素靈哺餉七炁素靈精光充溢  
 鍊飾形骸骨芳肉香德劫不灰西嶽華山明開長夜九幽之府出某甲鬼

永樂大典卷九百十一

四

神沐浴冠帶連上天府供給水食長在光明魔無干犯一切神靈侍衛安  
 鎮一如元始明真舊典女青文黃書此文於白石上拜拜黃繪章畢埋文  
 於亡人尸形所住西鄉極界臨埋時雲行禹步七步至所在西向讀大  
 字及文畢叩齒二十四通炁炁七通呪曰元始符命普告西靈無極世界  
 土府神明洞空洞無洞玄洞清七炁總司三界神庭西鄉一切萬炁真靈  
 無極神王益真度生今日五合少陰告盟甲乙受度五仙鍊形託尸幽戶  
 中房雙經太上清信衆真所明地鄉開通萬神經營尸安靈鎮德劫長寧  
 道成去世奉以靈餅一如明真依舊驛呈畢便埋文土中靈寶黑帝鍊度  
 五仙安靈鎮神五炁天文北方五炁玄天承元始符命告下北方無極世  
 界土府神鄉諸靈官今有太上清信弟子某甲減度五仙託尸太陰今於  
 某處安宮立室庇於后土明承正法安慰撫卹玄靈哺餉五炁玉滋精光  
 充溢鍊飾形骸骨芳肉香德劫不灰北嶽恒山明開長夜九幽之府出某  
 甲鬼神沐浴冠帶連上天府供給水食長在光明魔無干犯一切神靈侍  
 衛安鎮一如元始明真舊典女青文白書此文於黑石之上拜拜黃繪章畢  
 埋文於亡人尸形所住北鄉極界臨埋時師雲行禹步五步至所在北  
 向讀大字及文畢叩齒二十四通炁炁五通呪曰元始符命普告北元無

極世界王府皇君洞宮洞無洞玄洞淵五炁總司三界高尊北極真靈無  
極神君日吉時和玄天始分上聖臨慶北帝敷雲甲乙受度託尸幽門大  
上清信位齊十天五土儀形三官舉魂南宮沐浴朽骸生靈庇形靈早德  
劫長存正道銘落安鎮玉文一切神明供給自然明真大法宣告普聞使  
埋文土中東方飛天神人曰開度東方九幽地獄三塗五苦轉運福堂安  
鎮死者形骸故宅令得安寧土府營衛奉給送迎當休明真玉體女青上  
宮舊典以青紋繒九十尺或九尺詣九炁天君請請天玉文女青符命告  
下東鄉諸靈官按度東方九幽地獄三塗五苦餓鬼死鬼開出光明安鎮  
死者形骸宮宅長得安寧無有搖動如女青文南方飛天神人曰開度南  
方九幽地獄三塗五苦轉運福堂安鎮死者形骸故宅令得安寧土府營  
衛奉給送迎當休明真玉體女青文上宮舊典以絳紋繒三十尺或三尺  
詣三炁天君請請天玉文女青符命告下南鄉諸靈官按度南方九幽地  
獄三塗五苦餓鬼死鬼開出光明安鎮死者形骸宮宅長得安寧無有搖  
動如女青文中央飛天神人曰開度中央九幽地獄三塗五苦轉運福堂  
安鎮死者形骸故宅令得安寧土府營衛奉給送迎當休明真玉體女青  
文上宮舊典以黃紋繒一百二十尺或一十二尺詣一炁天君請請元始自

然真文女青符命告下中央四維無上無下無幽無隱無深無遠無邊無  
際洞玄諸靈官按度中央九幽地獄三塗五苦餓鬼死鬼開出光明安鎮  
死者形骸宮宅長得安寧無有搖動如女青文西方飛天神人曰開度西  
方九幽地獄三塗五苦轉運福堂安鎮死者形骸故宅令得安寧土府營  
衛奉給送迎當休明真玉體女青文上宮舊典以白紋繒七十尺或七尺  
詣七炁天君請請天玉文女青符命告下西鄉諸靈官按度西方九幽地  
獄三塗五苦餓鬼死鬼開出光明安鎮死者形骸宮宅長得安寧無有搖  
動如女青文北方飛天神人曰開度北方九幽地獄三塗五苦轉運福堂  
安鎮死者形骸故宅令得安寧土府營衛奉給送迎當休明真玉體女青  
文上宮舊典以黑紋繒五十尺或五尺詣五炁天君請請天玉文女青符  
命告下北鄉諸靈官按度北方九幽地獄三塗五苦餓鬼死鬼開出光明  
安鎮死者形骸宮宅長得安寧無有動搖如女青文飛天神人曰明真科  
品天子用信疋數公王國主則用丈數悉用紋繒上金以法天象之庶人  
則用尺數鐵以準金宣告諸天人民咸使普聞飛天神人曰夫欲安鎮死  
人尸形所在地官安慰撫卹使得速運更生福世興家鼓標世世不絕當  
依明真科天子公王以上金五兩以奉五帝安鎮五方庶人則用鐵五十

斤生死滅度因緣之信其福無量宣告諸天人使俾得普聞天真皇人曰夫開度拔贖宿對罪竟安鎮尸形宮宅其文出自龍漢之先天尊開大法門教化童子諸天大神而披龍漢之玄奧開演洞玄之秘文拔出長夜之府使九幽得荷太陽之光孤爽運反則朽骸有緣福堂可得而生衣食立以自然飛天可以交遊攜提太上之賓此法高妙難可稱焉四座大眾諸天童子宜各實之哉於是四眾同時稽首伏地稱善靈寶練度五仙安靈鎮神黃繪章法洞玄靈寶赤帝先生至真大法師臣王甲稽首上言上上一炁一炁上上無極無頂無色無光連廓至真大道元始天尊三十二帝太上大道君玉陛下臣承元始大化諸天開宥幽牢地獄三塗五苦餓鬼死竟並出長夜一切光明皇道既陶死骸運人三界清肅土府太平請以滅度託尸太陰寄形地官功德微德少未蒙運者皆依女青符命隨所統領安慰撫卹供給營衛不得搖動使運託生人身是時諸天大聖衆無極太上大道君五老上地飛天神王南昌上宮長生司馬好生真君諸元君靈妃玄和王女諸真人七千二百四十童子同時彈指普告諸天諸帝諸水日月星宿曜職玉衡五帝五嶽諸靈山地府三官九署十二河源洞極洞淵無高無下無深無遠無邊無際無大無小無窮無極一切神靈咸

使聞知金篆玉書以付玄和王女約以今為新啟奉大法不得有偏雖經天地大運正文甚明今承女青上宮舊典中明聖道為某郡縣鄉里清信弟子男女生某甲年若干歲本命丙午亦帝領籍七月受炁丹天果陽先功未滿履在穢世塵濁所染應在滅度託命太陰寄形土官今於中天某鄉里中安宮立室以為住止功德微德少未能自運今為土府所見馳過不相容安竟飛魂隨尸形無寄謹休明真大法金篆玉書之文上請諸天自然玉字女青符命告下某天中九土靈官安鎮某甲身形骸地宅請下九炁青天蒼靈生神真人從東嶽仙人乘蒼龍九千萬騎齋九炁天文青帝女青符命下某鄉九土諸靈官開長夜之府九幽地獄拔出某甲鬼神運付故宅應轉者轉應度者度應生者生應運者運未得生者明安尸形撫卹營衛不得搖動如女青文以青紋之縉九尺或九尺以奉九炁天君為拔度之信又請下三炁丹天赤靈生神真人從南嶽仙人乘赤龍三千萬騎齋三炁天文赤帝女青符命下南鄉九土諸靈官開長夜之府九幽地獄拔出某甲鬼神運付故宅應轉者轉應度者度應生者生應運者運未得生者明安尸形撫卹營衛不得搖動如女青文以綠紋之縉三十尺或三尺以奉三炁天君為拔度之信又請下一炁黃天黃靈生神真人

永樂大典

卷九一一

生真人從中嶽仙人乘黃龍萬二千騎齋一炁天文黃帝女青符命下中  
 央無極無窮無高無下無深無遠無邊無際土府一切諸靈官開長夜之  
 府九幽地獄拔出某甲鬼神運付故宅應轉者轉應度者度應生者生應  
 運者運未得生者明安尸形撫卹營衛不得搖動如女青文以黃紋之續  
 一百二十尺或一十二尺以奉一炁天君為拔度之信又請下七炁素天  
 白靈生神真人從西嶽仙人乘白龍七千萬騎齋七炁天文白帝女青符  
 命下西鄉九土諸靈官開長夜之府九幽地獄拔出某甲鬼神運付故宅  
 應轉者轉應度者度應生者生應運者運未得生者明安尸形撫卹營衛  
 不得搖動如女青文以白紋之續七十尺或七尺以奉七炁天君為拔度  
 之信又請下五炁玄天玄靈生神真人從北嶽仙人乘玄龍五十萬騎齋  
 五炁天文黑帝女青符命下北鄉九土諸靈官開長夜之府九幽地獄拔  
 出某甲鬼神運付故宅應轉者轉應度者度應生者生應運者運未得生  
 者明安尸形撫卹營衛不得搖動如女青文以玄紋之續五十尺或五尺  
 以奉五炁天君為拔度之信又以上金五兩或鐵五十斤以奉五帝安鎮  
 五方某甲今應在開度之例九土地官各依部界經營侍衛供給有無令  
 形安神守毫不離散須待功成當反舊宅受津而生願五帝明飭天和元

永樂大典卷九百十一

七

精導炁養神飲以三光玄注洪泉玉芝自充光華早登靈液早香龜遊上  
 清木食自然下付宮宅與景合并不相遠離同受化生今日大慶度人無  
 量開度一切莫不成從尊承舊法列功諸天有違女青刑官罰形盟如舊  
 制金龍驛行謹以表闕伏須告報日中誠惶誠恐死罪死罪稽首再拜以  
 聞日中姓某屬某郡縣鄉里上上一炁一炁上上上無極無頂無色無  
 光邊廓至真大道元始天尊三十二帝太上大道君恭清玉陛下太歲某  
 子某月某日某子時於某天郡縣鄉里中黃素章表一通金龍上呈女青  
 符典以朱筆書此文於黃縑上師於亡人生在於時北向燒五香火施安  
 五鎮而奏上黃縑章露文一宿明日早旦各埋文方面以鎮神安形行之  
 者女青文曰九祖幽鬼皆即出長夜身入光明三官剖對天堂記名供其  
 厨飯三十二年皆運其故形而更生也未得運者形骸故宅則為五帝侍  
 衛地祇營護安慰無所無有強動不出百年無不化生而得運於人道也  
 三界簿錄甚有分明智者測其至理考其善惡緣對林應明不虛言憑者  
 任命謂之不然三官澄度甚可哀哉天真真人曰昔亦明天中有道士姓  
 鄭字仁安功德未滿死於常山北戎之阿其子仲明師玄和先生以此文  
 鎮仁安尸形宮宅三十年仁安被度應運人中而為殫人所燒形骸燔然



而起今為上宮南帝老君得道之跡今題太極上宮南軒甚有分明也天  
 真真人曰昔善惡國有道士姓琨字信然師無常童子受靈寶滅度昇天  
 之傳功德未足死於青元山中埋尸於流生之洲無常童子以此文鎮其  
 尸形百年而遇洪水所蕩於此化生今受號為无靈老君南宮書其道跡  
 在紫微之館天真真人曰昔素賢世界有道士姓浩字敦明少好山水棄  
 家遠學功德未滿死於地鏡山下其子少信就北郭先生受此文鎮敦明  
 形尸七百年被水火鍊度而得運生人中後師黑文子受昇天之傳今為  
 玄老之帝南宮今書其道跡在北无玄憲天真真人曰中无天中尚得黎  
 世界有道士姓王字度明少出遊學從屠真公受五篇文并仙之傳功德  
 未足死於泰山廣靈之阿其子景秀詣戴仲君受此文以鎮尸形九十年  
 遺東山大荒人民掘土覓食發其死尸而即化生後學成昇天為景霄真  
 人天真真人曰此諸君皆積學滅度道業垂成而得受此文以運生人中  
 皆超虛步空上昇金闕受號自然也其並非悠遠世人所不能明考其迹  
 衍門子師夜光高丘子師石公洪崖先生師金母並受靈寶滅度五練之  
 法昇天之傳衍門死於漁陽洛縣長丘山高丘子死於中山聞喜縣高附  
 山洪崖先生死於武威姑蘇縣津山中並受此文以鎮其墓衍門子四十

永樂大典卷九百十一

八

年墓崩而形化後入蒙山大洲黃金之庭受書為仙柳高丘子七十二年  
 墓為人所發腐棺而形飛今為中嶽真人洪崖先生百二十年墓開尸形  
 飛騰受書為青城真人此之諸賢並受滅度之法昇天之傳鎮密之道而  
 得乘虛凌清策空高霞遊宴紫微受號真人也此之近事非後悠遠之傳  
 元始天王命披元始之寶箬以告太極上仙遇之者將前生萬劫錄名上  
 清應得仙道也諸天男女可不承女青之青秘而寶之焉

### 太帝制鬼伐尸法

雲笈七籤凡道士祝滅三尸之法常以月晦朔之日及甲寅庚寅庚申之

日兆身中七鬼遊尸諸血尸之鬼上天白人罪過自運中傷於身或遊走  
 他鄉召呼外鬼協進為妖賊是以惡夢交於寢寢病背纏於神室人所以  
 惡夢疾病者皆七鬼遊尸之所為也至其日常當沐浴淨服燒香入室精  
 思懇懇不營他事以夜半生氣時或黃昏時正寢東首接手心上先叩齒  
 三七通乃做呪曰七靈八神八願四障上告靈命中黃雙真錄鬼練鬼塞  
 滅邪精血鬼遊尸穢滯長派利我生開開我死門若有真命聽對帝前使  
 我長生劫齡長存太帝之法教告三元華又叩齒三七通燕液十過都華  
 此名為太帝制鬼伐尸神呪之法也血尸七鬼被此呪者皆得滅於死尸

之下鬼明鬼柔受化於三宮之中辟惡除病令人神明不死常能誦之則  
終身不被魘昧凡存念上道呪除三尸之時常當採取白芷草根及青木  
香合以東流水煮取其汁以沐浴於身辟諸血尸惡氣亦常可和香燒之  
以致神明若無青木香者亦可單用白芷凡庚申甲寅之日是血鬼遊尸  
直合之日也天炁交合七鬼競亂淫穢混真邪滓流煥明法動精七神馳  
散每至其日當清齋別處不雜他席慎不可與夫妻相見及同牀而寢又  
不可爭競財色所行非道之方也每當燒香感氣修行之時消呪之法亦  
可誦經混神若思洞房帝一之事唯使精真以爲意也 上清元始譜錄  
太真玉訣三尸三惡門 第一門名色慾門一名上尸道一名天徒界第  
二門名愛慾門一名中尸道一名人徒界第三門名貪慾門一名下尸道  
一名地徒界此三惡之門一名三尸之道一名三徒之界常居人身中塞  
人三關之口斷人三命之根道人學仙之路抑人飛騰之鬼爲學之本而  
不落尸於三道之上去慾於三界之門真何由降道何由成夫學上法欲  
運諸慾滅落尸根道自然成剋得飛騰上昇三清 三尸五道門 第一  
門名色累苦心門一曰太山地獄苦道第二門名愛累苦神門一曰風刀  
苦道第三門名貪累苦形門一曰隄山負石苦道第四門名華鏡苦精門

一名作江河苦道第五門名身累苦鬼門一名吞火食炭鑊湯苦道此五  
苦五道之門常居於人身係人命根道人招真之路斷人修仙之門爲學  
之本而不解形於五道之上滅跡於五苦之下衆累不斷沈淪罪門何由  
得脫騰身遊變流景玉光也夫欲上學當先斷諸累絕滅苦道真自然降  
神仙自然成剋得變形遊宴諸天落上尸之道當背書上玄滅慾斬尸變  
景流光玉符著頭上當於色慾之門北向銜刀請一杯清水而臨水上師  
於弟子後叩齒九通呪曰上尸青慾自號彭偕變化九種烏頭蛇軀混沈  
無心或沈或浮貪慾滋美華色自居走作鬼鬼司人過壑斷人命根散  
神遊放浪三宮小姦無物真人甲乙佩錄帶符色慾已斷死路已除元始  
有命請斬尸頭三台監形速出無留滅根絕種勿使遺餘甲乙練真三宮  
清虛五帝監映太一定書北元沐浴冠帶行騎飛度天界派景玉與遊變  
上清衆空遊遊華取所嚙刀餅以統弟子頭結九過下所卷玉符埋於色  
慾門下以杯水灌上行此之道上尸即滅色慾自除身過天徒之界形鬼  
無優苦惱之患太真上道慎勿輕傳以次進中門而落中尸落中尸當黃  
書中元滅慾斬尸變景流光玉符著心前於愛慾中門向且捉刀向後請  
一杯清水著前所於後叩齒十二通呪曰中尸彭質號曰中黃愛慾自居

依獲逃藏沈浮變化形無常方執人鬼鬼走作三宮赤子馳競使人發狂  
慾性喪神罪由小姦真人甲乙上帝已徵身佩玉符丹文金章列名元圖  
三慾已忘元始符命斬滅尸形斷根絕種勿得飛揚甲乙受縛五符休株  
真仙安鎮藏內生光五帝監映太一列行中元沐浴冠帶水棠解形遊變  
派景玉光飛昇上清食息太空長保自然天地無窮畢以次進下門而落  
下尸落下尸當白書下元滅慾斬尸變景流光玉符著兩脚上於下會慾  
門向南橫刀於兩足上請一杯清水著足下師於後叩齒三通而呪曰下  
尸彭矯貪慾自榮白色混沌體無常形依人兩足說動人情言白符失走  
作鬼靈三宮擾亂赤子不寧貪慾小姦貫備幽冥真人甲乙三鍊已清慾  
門斷塞不受邪精元始急令三台臨庭速出無隱及汝弟兄九種子孫一  
特斬形五帝度真太一記名下元沐浴冠帶羽青玄度三界上飲元精解  
形遊變派景上清飛玄步虛三界齊明畢三界既度便度五苦之道解形  
遊變飛度五道之法當作新水一通中履並斬於第一色累苦心門上黑  
書解形遊變滅度地獄流景玉符置兩足下北向平立師叩齒五通呪曰  
解形遊變落尸五難三慾已清神津內灌脫故鍊新體香氣蘭玉符滅跡  
地無拘繫飛度天界超凌雲端魔王保真氣合自然七祖同昇飛步天門

五帝監映萬神咸聞畢脫中解結埋符於兩足下履而去次進安慾苦  
神門於安慾苦神門上白書解形遊變滅度風刀派景玉符置兩足下西  
向平立師叩齒九通呪曰雲行飛步遊變玉光解形脫跡散髮翔翔人界  
無拘繫虛空行天魔已保五道開通越度風刀形昇上宮畢埋符兩足下  
去之勿顧 三尸篇 洞章曰太上三氣化為神符號曰三元無量洞章  
制命六甲運使五行率離運命却死米生消除三鬼滌蕩五神五神一曰  
五尸三鬼一曰三蟲蓋尸互名參神亂鬼三月上尸中尸下尸也五尸青  
尸赤尸黃尸白尸黑尸神呪曰三尸五尸俱入黃泉吾并消天保長生樂  
使世世居天王